



Զահրատ

Կիկոյին կինը

Կիկոյին կինը բարակուկ դերձան
Ասեղին ծակէն անցնելու է

Կիկոյին կինը անյատակ մատան
Իտ ըլլալ սանին մէջ եփելու է

Կիկոյին կինը շաքարի աման
Լեզու թափելու
Պոչ խաղցնելու
Առկայծ լամբարի պատրոյգին նման
Մարմնելու է

Կիկոյին կինը տաքուկ վառարան
Գիշերէ գիշեր աղուորնալու է
Մէր կ'առնեն յոյս կը ծախեն
Երբ ամէն ինչ չորցեր է
Ու պէտք ունիք պատրանքի
Ճարեն կ'ըսեն ոչ կ'ըսէք

Ես պատմութեան ցուցակ եմ
Օր կ'ըլլայ ետ կը նայիք
Հին սէրերով կ'օրորուիք

Շատ են մէկ մէկ չէք յիշեր
Շարեն կ'ըսեն ոչ կ'ըսէք

Ես քմահաճ վտակ եմ
Կը հոսիմ ուր որ ուզեմ
Բոցեր ալ ալք մեծնալէն
Երբ ձեր սրտին գան հասնին
Մարեն կ'ըսեն ոչ կ'ըսէք

Ես լրջութեամբ յագեցած
Ֆեր օրերուն կատակն եմ
Երբ աշխարհը մութ տեսնէք
Ոստոստելէն կը վազեմ
Կը խոնարհիմ ձեր առջեւ
Պարեն կ'ըսեն ոչ կ'ըսէք

Պատրաստական շարժակ եմ
Ձերն ըլլալէն ձանձրացած
Երբ կանգ առնէ սիրտն անգօր
Բաբախելէ երբ դադրի
Լարեն կ'ըսեն ոչ կ'ըսէք